



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-508-7/22
Datum: 29.11.2022.godine

«Agencija za vodno područje rijeke Save» Sarajevo rješavajući po zahtjevu Grada Zenica podnesenog putem «JP za prostorno planiranje i uređenje grada Zenica» d.o.o. Zenica za izdavanje prethodne vodne saglasnosti za uređenje zelene površine-škarpe uz desnu obalu šetnice pored rijeke Bosne na lokalitetu poznatom kao Turski park u Zenici, na osnovu člana 109. Zakona o vodama («Službene novine Federacije BiH», broj 70/06), člana 16. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost Gradu Zenica za uređenje zelene površine-škarpe uz desnu obalu šetnice pored rijeke Bosne na lokalitetu poznatom kao Turski park, na dijelu parcele označene kao k.č. 1747/1 K.O. Zenica III, grad Zenica a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije od stane podnosioca zahtjeva i pod sljedećim uslovima:
 - 2.1. Izraditi i revidovati investiciono-tehničku dokumentaciju na osnovu koje će se izvoditi radovi na nivou potrebnom za ishodovanje odobrenja za građenje.
 - 2.2. Projektnom dokumentacijom treba da se obuhvati tehničko rješenje uređenja zelene površine-škarpe, a projekat između ostalog treba sadržavati:
 - Situativni prikaz sa nivelacijom površina i rasporedom planiranih sadržaja u odnosu na rijeku Bosnu, postojeću regulaciju i šetnicu.
 - Hidraulički i hidrološki proračun i analize koji se odnose na određivanje nivoa velikih voda rijeke Bosne za različite rangove pojave velikih voda;
 - Rješenje odvodnje obrinskih voda sa uređenih površina;
 - Prilikom definisanja normalnih profila uvažiti i uslove koji se odnose izgrađenost obale, morfologiju terena, razvojno – plansku dokumentaciju, već izgrađene objekte zaštite od poplava, geološki sastav korita i sl.;
 - Projektnom dokumentacijom definisati organizaciju i tehnologiju izvođenja radova na obalnom pojasu rijeke Bosne, te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Bosne kao i negativnih uticaja na postojeću obaloutvrdu i infrastrukturu.
 - Projektna dokumentacija treba da bude urađena na zakonski zahtijevanom nivou za ovu vrstu radova i da sadrži sve opće i tehničke elemente propisane zakonima iz ove oblasti.
3. Po izradi projektne dokumentacije u skladu sa uslovima iz dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na projektnu dokumentaciju. Zahtjev za izdavanje vodne saglasnosti dostavlja se

u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se prilaže:

- Revidovana projektna dokumentacija izrađena u skladu sa uslovima iz dispozitiva ovog rješenja;
 - Kopija urbanističke saglasnosti i okolinske dozvole izdate od strane nadležnog organa;
 - Dokaz o izvršenoj uplati upravne takse u iznosu od 60 KM;
4. Ovu prethodnu vodnu saglasnost će podnosilac zahtjeva koristiti u postupku pribavljanja urbanističke saglasnosti za uređenje zelene površine-škarpe uz desnu obalu šetnice pored rijeke Bosne na lokalitetu poznatom kao Turski park u Zenici i ona definiše sve uslove koji se, sa aspekta voda, moraju ispoštovati prilikom izrade projektne dokumentacije za pribavljanje građevinske dozvole.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja.

O b r a z l o ž e n j e

Dana 29.09.2022. godine, pravno lice «JP za prostorno planiranje i uređenje grada Zenica» d.o.o. Zenica, obratilo se ovoj Agenciji, u ime Grada Zenica, sa zahtjevom za izdavanje prethodne vodne saglasnosti za uređenje zelene površine-škarpe uz desnu obalu šetnice pored rijeke Bosne na lokalitetu poznatom kao Turski park u Zenici a u postupku pribavljanja urbanističke saglasnosti.

Uz zahtjev je dostavljena i sljedeća dokumentacija:

- Ovlaštenje zastupnika podnosioca zahtjeva, broj: 18-19-9366/22-1 od 08.06.2022. godine,
- Ovjerena kopija Podataka iz registra poslovnih subjekata Porezne uprave Federacije BiH, izdatog 28.02.2017. godine od strane Porezne uprave FBiH – Kantonalni porezni ured Zenica,
- Ovjerena kopija Uvjerenja o poreznoj registraciji izdatog 08.12.2014. godine od strane Porezne uprave FBiH – Kantonalni porezni ured Zenica,
- Protokol Službe za urbanizam Grada Zenica od 01.09.2022.godine,
- Mišljenje o usklađenosti planiranih aktivnosti sa prostorno-planskom dokumentacijom grada Zenica, broj: 03-19-20358/22 od 17.10.2022.godine,
- Elaborat proširenja sjedećih mjesta na škarpi na desnoj strani obale rijeke Bosne od Jalijskog mosta, broj: 02-1-4402/22 urađen maja 2022. godine od strane «JP za prostorno planiranje i uređenje grada Zenica» d.o.o. Zenica,
- Dokaz o uplati upravne takse za izdavanje vodnog akta.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata («Službene novine FBiH» broj 41/20) o predmetnom zahtjevu je dana 25.10.2022. godine, obavještena javnost putem obavještenja u dnevnom listu «Oslobođenje» i na oglasnoj ploči «Agencije za vodno područje rijeke Save» Sarajevo. U datom roku nije bilo pisanih izjašnjenja o aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim

korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je sljedeće:

Na lokalitetu poznatom kao Turski park u Zenici planirano je proširenje uređenje zelene površine – škarpe između asfaltirane pješačke staze uz desnu obalu rijeke Bosne i popločane trim staze iznad škarpe. Predmetna dionica je djelimično devastirana zbog radova na zamjeni instalacija grijanja.

Uz sanaciju devastirane škarpe i trim staze planirana je i izgradnja šest segmenata tribina dužine po 17,5m obostrano uz tri stepeništa od pješačke staze do trim staze.

Ukupna dužina dionice na kojoj se planiraju radovi je cca 350 m.

Nakon uvida u dostavljenu dokumentaciju, utvrđeno je da, shodno članu člana 109. stav Zakona o vodama i člana 16. stav (1) tačka 14. Pravilnika o o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za uređenje zelene površine-škarpe uz desnu obalu šetnice pored rijeke Bosne na lokalitetu poznatom kao Turski park u Zenici, pa je riješeno kao u u dispozitivu ovog rješenja.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj UP-1/21-1-40-508-5/22 od 1511.2021. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP za prostorno planiranje i uređenje grada „Zenica“ d.o.o Zenica
Ul. M. Tarabara br. 15, 72000 Zenica
- Grad Zenica
Ul. Trg BiH br. 6, 72000 Zenica
- AVP Sava, ISV-vodna knjiga
- Sektor 40 – arhiva
- oglasna ploča – AVP Sava